

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za javne nabavke, a po provedenom postupku za nabavku usluga - Nabavka usluga osiguranja vozila od automobilske odgovornosti i osiguranja radnika od nezgode, direktor JU Institut za zdravlje i sigurnost hrane Zenica donosi

ODLUKU o izboru najpovoljnijeg ponuđača

Član 1.

Prihvata se preporuka Komisije za javne nabavke, te se ugovor za LOT 1. - Nabavku usluga osiguranja vozila od automobilske odgovornosti dodjeljuje ponuđaču **TRIGLAV OSIGURANJE d.d. Sarajevo Podružnica Zenica**, koji je dostavio ponudu broj 03-1051/20 od 09.04.2020. godine broj: 01-1533/20 (broj ugovornog organa) od 10.04.2020. godine u kojoj je ponudena ukupna cijena 5.368,50 KM bez PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-872/20 od 11.03.2020. godine. Postupak nabavke je proveden Konkurentskim zahtjev za dostavu ponuda za koji je objavljeno obavještenje o nabavci broj: 7126-7-2-14-3-21/20 objavljeno 26.03.2020. godine na Portalu javnih nabavki.

Postupak nabavke provela je Komisija za javne nabavke imenovana Rješenjem broj: 02-1203/20 od 10.04.2020. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupno pristiglo 5 ponuda;
- da su blagovremeno zaprimljene pet ponuda;
- da nije bilo neblagovremenih ponuda;
- da je jedna ponuda odbačena kao neuredna u skladu sa članom 68. ZJN BiH;

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Komisija je ponudu ponuđača ADRIATIC OSIGURANJE DD Sarajevo, Podružnica Zenica za LOT 1. cijenila neurednom, jer ponuđač nije ponudio cijenu za sve stavke u propisanom obrascu. Ponuđač je ispod propisanog obrasca upisao napomenu: „Za vozilo teretno pod red.brojem 1. ne možemo ponuditi osiguranje stakla!!!.

Komisija je izvršila rangiranje ponuđača kako slijedi:

Rang	PONUĐAČ	CIJENA BEZ PDV-a	PREFERENCIJALNI TRETMAN	CIJENA BEZ PDV-a (nakon primjene preferencijalnog tretmana)
1.	TRIGLAV OSIGURANJE DD Sarajevo, Podružnica Zenica	5.368,50	DA	5.100,07
2.	CROATIA OSIGURANJE DD Mostar	5.424,40	DA	5.153,18
3.	SARAJEVO-OSIGURANJE DD Sarajevo	5.487,38	DA	5.213,01
4.	ASA OSIGURANJE DD Sarajevo	6.060,99	DA	5.757,94

Komisija je dala preporuku da se prihvati najpovoljnija cijena iako je veća od procijenjene vrijednosti za LOT 1., što je direktor cijenio osnovanim, te je ocijenjeno da bi ponavljanje postupka proizvelo veće troškove. Također, utvrđeno je da postoje dodatna sredstva za predmetnu nabavku, te je prihvaćena preporuka Komisije kao osnovana.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač TRIGLAV OSIGURANJE DD Sarajevo, Podružnica Zenica dostavio ponudu sa najnižom cijenom, a obzirom da je kriterij za izbor najpovoljnije ponude najniža cijena tehnički zadovoljavajuće ponude, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

- 1x TRIGLAV OSIGURANJE DD Sarajevo, Podružnica Zenica
- 1x CROATIA OSIGURANJE DD Mostar
- 1x SARAJEVO-OSIGURANJE DD Sarajevo
- 1x ASA OSIGURANJE DD Sarajevo
- 1x ADRIATIC OSIGURANJE DD Sarajevo, Podružnica Zenica
- 1x www.inz.ba
- 1x arhiva

